

上海鄉土志

種目 史, 5

番號 17

昭和 年 月 日購入

上海日本女子商業學校

地21D.11

14539

11

種目

番號

昭和 年 日購入

上海日本商業學校

672.1203
7293

姚子讓先生鑒定

上海鄉土志

松平文庫
上海日本女子
商業學校藏書

墨廬署

中法漢學研究所圖書館珍藏	石埭士先生惠贈	中華民國三十七年九月二十七日
--------------	---------	----------------

序

吾邑志乘自乾隆以後一修於嘉慶甲戌再修於同治丙寅丙寅迄今四十年中時局屢變邑居中外要衝受激刺尤烈邇數年來

朝廷加意興學頒布章程初等教科注重鄉土而授課苦乏善本於是李君右之輯爲斯編凡一百六十課其所採撥詳近略遠四十年中蹟變故實頗具大概殆匪獨授課所需也往者 京師編書局頒鄉土志例目欲令直省郡邑按目攷查依例采錄期以一年成書吾邑

上海鄉土志

尙未有以應君之斯編乘年假休暇取辦於數旬之間何其敏也蓋君之曾祖心庵先生實主纂嘉慶邑志又嘗與修郡志家學相承夙所究心故若取諸宮中者然書成屬序於余余旣於去歲得讀華亭王君松江歷史課本今又獲覩是編之成益喜吾鄉學齡兒童有所憑藉以培養愛國愛鄉土之心激發志氣其幸福爲何如也故書此歸之光緒三十三年中和節姚文枬

學堂設立以來各種教科書大備而鄉里之掌故尤亟
謹案奏定章程初等小學堂歷史地理博物三科均注
重鄉土故前年學部責成各州縣編輯鄉土志吾邑尙
未有成書不揆樛味編成一百六十課每星期授四課
可備初等一年之用稿成經姚子讓先生審定其田畝
完糧方單道契四課係姚先生增加自慙淺陋幸大雅
君子正其紕繆焉光緒丁未春正月編者識

上海鄉土志

編輯大意

是編程度最合初等學年之用

兒童心理宜從近處入手書中之語大致故事十之三
近事十之七庶學生易於吸受

是編次序首地理次博物次名宦鄉賢次歷史次交通
次雜事而以破迷信終焉

教授此書時須參考同治縣志

書中或有舛誤及教授不便處當隨時修改

成書倉卒未及繪圖容俟再版時插入

上海鄉土志

目錄

上海李維清編

第一課	建置	第二課	沿革
第三課	位置	第四課	疆域
第五課	道里	第六課	形勢
第七課	鄉保	第八課	鎮市
第九課	城垣	第十課	道路
第十一課	海	第十二課	吳淞江
第十三課	黃浦	第十四課	支水
第十五課	近城諸水	第十六課	閔行
第十七課	江橋	第十八課	徐家滙
第十九課	龍華	第二十課	湧泉

上海鄉土志

目錄

第二十一課	遺蹟	第二十二課	露香園	吾園
第二十三課	黃泥牆	第二十四課	園林	
第二十五課	公花園	第二十六課	豫園	
第二十七課	也是園	第二十八課	萬壽宮	
第二十九課	學宮	第三十課	衙署	
第三十一課	敬業書院	第三十二課	冢墓	
第三十三課	風俗	第三十四課	民情	
第三十五課	婚嫁	第三十六課	方言	
第三十七課	戶口	第三十八課	田畝	
第三十九課	完糧	第四十課	方單	
第四十一課	道契	第四十二課	物產	花布
第四十三課	物產	第四十四課	物產	動物
	特別產			

第四十五課 物產 植物 第四十六課 物產 植物

第四十七課 歲時 第四十八課 續

第四十九課 藝文 第五十課 志乘

第五十一課 名宦 第五十二課 續

第五十三課 陸贄 第五十四課 黃道婆

第五十五課 秦裕伯 第五十六課 董其昌

第五十七課 徐光啟 第五十八課 曹垂燦

第五十九課 施維翰 第六十課 曹錫寶

第六十一課 葉映榴 第六十二課 曹一士 陸錫熊

第六十三課 喬光烈 喬照 第六十四課 明代日本之海賊

第六十五課 國初之海盜 第六十六課 道光兵燹

第六十七課 五口通商 第六十八課 租界之疆域

上海鄉土志

目錄

第六十九課 租界之主權 第七十課 租界之繁華

第七十一課 領事裁判權 第七十二課 紅巾之亂

第七十三課 長髮賊 第七十四課 四明公所

第七十五課 誅勦莠民 第七十六課 庚子之役

第七十七課 俄艦進口 第七十八課 局外中立

第七十九課 抵制美約 第八十課 潮災

第八十一課 地方自治之成立 第八十二課 地方自治之區畫

第八十三課 地方自治之缺點 第八十四課 地方稅

第八十五課 公堂鬧事 第八十六課 學憲視學

第八十七課 徵兵 第八十八課 續

第八十九課 填塞河渠 第九十課 開濬黃浦

第九十一課 振武宗社 第九十二課 禁煙

第九十三課

慶祝立憲

第九十四課

新年團拜

第九十五課

勸學所

第九十六課

宣講所

第九十七課

學堂

第九十八課

師範

第九十九課

中學

第一百課

小學

第一百一課

女學

第一百二課

幼稚舍

第一百三課

鄉學

第一百四課

工商半日學堂

第一百五課

私塾改良會

第一百六課

義塾

第一百七課

捐賞興學

第一百八課

游學

第一百九課

學堂習氣

第一百十課

書坊 儀器館

第一百十一課

學會

第一百十二課

農學會

第一百十三課

體育會

第一百十四課

運動會

第一百十五課

游藝會

第一百十六課

營兵

上海鄉土志

目錄

三

第一百十七課

警察

第一百十八課

罪犯習藝所

第一百十九課

醫院

第一百二十課

驗疫

第一百二十一課

海運

第一百二十二課

米貴

第一百二十三課

徒薪公所

第一百二十四課

錢價

第一百二十五課

商業

第一百二十六課

續

第一百二十七課

交通

第一百二十八課

振興市面 城內

第一百二十九課

振興市面

南市

第一百三十課

著名店舖

第一百二十一課

海關

第一百三十二課

稅務

第一百三十三課

招商局

第一百三十四課

工部局

第一百三十五課

製造局

第一百三十六課

工廠

第一百三十七課

女工

第一百三十八課

鐵路

第一百二十九課

續

第一百四十課

銀行

第四百一十一課	保險行	第四百一十二課	郵政
第四百十三課	報館	第四百十四課	火政
第四百十五課	自來水	第四百十六課	電燈
第四百十七課	電車	第四百十八課	續
第四百十九課	賽馬	第四百二十課	沙船
第四百五十一課	教堂	第四百五十二課	會館
第四百五十三課	公所	第四百五十四課	善堂
第四百五十五課	賑捐	第四百五十六課	彩票
第四百五十七課	僧道	第四百五十八課	女巫
第四百五十九課	建醮	第四百六十課	賽會



上海鄉土志

上海李維清編

第一課

建置

元初。上海尚爲一鎮。屬松江府之華亭縣。及至元二十九年。析華亭東北境地。置上海縣。此立縣所自始也。明初。亦屬松江府。至嘉靖二十一年。析縣西境地。置青浦縣。國朝屬府如明。雍正二年。又析縣南境地。置南匯縣。嘉慶十年。又析縣東南濱海地。隸川沙撫民廳。蓋今之疆域。視始立縣時。不及三分之一矣。

第二課

沿革

上海鄉土志

上海古爲華亭一鎮。今爲松江府屬縣。禹貢爲揚州之域。春秋屬吳。後屬越。戰國屬楚。相傳爲春申君封邑。秦置縣曰嚠。漢更名曰婁。三國時。爲婁侯張昭封國。晉屬吳郡。唐始置華亭縣。其東北華亭海。卽今縣治也。宋熙甯七年。設市舶提舉司及權貨場。是爲上海鎮。此上海二字所由昉也。

第三課

位置

上海爲一縣治。隸於松江府。地當北緯三十一度十五分。東經百二十一度二十九分。吳淞黃浦兩江合流之

處也。論其界至。則東界川沙。西界青浦。南界南匯。北界寶山。西南界華亭。此本邑之界至也。然邑號海疆。而境無洋面。惟北接寶山。則沿海。東連川沙。亦濱海。而邑城距海口約六十里。故本邑獨居腹地云。

第四課

疆域

縣之未分也。轄山二。一簕山。一福泉山。皆自明代分隸青浦。而本邑於是乎無山。吾縣地處海疆。海岸線共長一萬七千七百四十八丈。至於國朝。而一分於南匯。再分於川沙。濱海之地。改隸南川。而本邑於是乎無海。上海鄉土志

第五課

道里

本邑當元明時。提封頗廣。廣袤約各百里。以本邑尙有完全之五鄉也。後一分於青浦。再分於南匯。三分於川沙。而東西僅廣六十六里。南北僅袤八十四里。較之昔日。相去懸殊矣。若論本邑至他處之道里。則自縣治至松江府治九十里。至蘇州府巡撫治所二百四十四里。至江甯府總督治所八百八十里。至京師二千八百九十九里。此其大略也。

第六課 形勢

吾邑雄峙一方。爲東南大埠。北枕吳淞。南瞰黃浦。大海東環。九峰西拱。此形勢之大略也。然自通商以來。外洋船舶出入自如。門戶洞開。毫無險要可守。故上海一隅。幾爲萬國公共之地。而外人勢力範圍。日漸膨脹。吾儕生於斯。長於斯。聚族於斯。去此其將安適。能無觸目驚心乎。

第七課 鄉保

松屬共有十三鄉。吾縣舊有五鄉。曰長人。曰高昌。曰北上海鄉。土志

亭曰新江。曰海隅。自析置青浦後。止存長人高昌二鄉。又長人鄉析置南匯。高昌鄉析置川沙。而長人鄉僅有三保。高昌鄉僅有九保而已。然地係衝繁。疲難要缺。爲東南一大都會。地愈狹而民愈稠。俗尙浮華。民情澆薄。中外雜處。交涉尤多。良有司爲地方守土。任大責重。固非他縣所可比擬也。

第八課 鎮市

縣之對於鎮市。猶郡之對於町村也。茲舉本邑鎮市之最著者。東鄉有高行陸行洋涇塘橋諸鎮市。西鄉有法

華新涇諸翟江橋虹橋諸鎮市。南鄉有漕河涇曹行塘灣諸鎮市。北鄉有老開新開引翔港諸鎮市。東南鄉有陳行三林塘楊思橋諸鎮市。西南鄉有閔行顯北馬橋諸鎮市。他日實行地方自治。此數鎮市者。皆有町村之資格。必依町村之條例而施行者也。

第九課

城垣

元代建縣之後。經二百六十餘年。猶無城垣。至前明嘉靖三十二年。邑人顧從禮請建城。知府方廉始築之。城周九里。高二丈有奇。水門有四。東西跨肇嘉浜。小東門

上海鄉土志

四

跨方浜。小南門跨薛家浜。今漸淤塞。城門有七。曰新北門。障曰老北門。晏曰大東門。朝曰小東門。玉市肆殷闐之處也。曰大南門。跨曰小南門。朝景象清幽之地也。西門儀一帶。近亦興盛。惟城內街衢狹隘。車馬不通。故商務終難起色。是宜多開城門。興築馬路。以通出入。庶行旅往來。商賈轉運。咸稱利便云。

第十課

道路

租界馬路四通。城內道途狹隘。租界異常清潔。車不揚塵。居之者幾以為樂土。城內雖有清道局。然城河之水。

穢氣觸鼻。僻靜之區。坑厠接踵。較之租界。幾有天壤之異。自總工程局設立後。而翻造房屋。收進營造尺二尺。淤塞河渠。填平築路。數年之後。道路自可寬廣矣。

第十一課

海

本邑瀕江環海。爲江浙之尾閭。東南之澤國。而江水實以大海爲會歸也。海在縣東六十里。北起嘉寶。南抵南匯。東南屬川沙。吳淞江與黃浦合流入焉。由海口而東爲大洋。自分南川後。而海全非境轄。向有沿海護塘。以防海潮泛濫。卽俗稱大護塘小護塘是也。今隸川沙廳。已漸傾圮。是宜及早修築。否則乙巳海溢之災。恐復見於異日矣。

第十二課

吳淞江

吳淞江在縣北。卽松江也。上承太湖之水。東入婁江。東南入海。爲東江。與松江而三。所謂三江是也。夫江與浦本不合流。自明永樂間。吳淞江淤塞。尙書夏原吉用邑人葉宗行言。而濬江引流。直接浦以達海。其合黃浦之處。在縣東北三十六里。由此入海。雖名吳淞口。實黃浦口也。

第十三課

黃浦

黃浦在縣東。相傳楚相黃歇所鑿。故又名春申浦。其源受杭州嘉興之水。與澱山湖滙爲三泖。凡嘉禾以東太湖以南諸流。並會平湖縣北境。北流經華亭金山境。迤東過得勝港。入邑境。折北趨於縣。合吳淞江北境。流入海。故本邑爲吳淞黃浦兩江合流之處也。

第十四課

支水

邑境之水。必以江與浦繫之。吳淞江東入大海。於是有沿江北岸之水。以楊樹浦下海浦引翔港虬江。在江橋鎮爲

上海鄉土志

六

最有沿江南岸之水。以許浦陳涇爲最。黃浦則由東北入海。於是有沿浦西岸之水。以日暉港龍華港漕河涇車溝俞塘爲最。有沿浦東岸之水。以三林塘白蓮涇東溝都臺浦爲最。有沿浦北岸之水。以竹岡沙岡語兒涇爲最。又有蒲滙塘爲由縣入府之內河。橫瀝一名橫涇爲西南鄉所灌溉。新涇乃由江通浦之緯河。此皆亘乎江浦間也。

第十五課

近城諸水

近城之水。自北而南。上承吳淞江。下沿黃浦。大者有五。

肇嘉浜方浜薛家浜穿心河西洋涇浜是也。肇嘉浜爲正中。大幹河從郎家橋入東水關。穿城出西水關。直至羅家灣之西南。方浜在北。由學士橋入小東門水關。經益慶長生館驛諸橋。至今所填塞之福佑橋。俗呼黑橋而止。薛家浜在南。自青龍橋入小南門水關。過永興陳箍桶諸橋。而西止城根。穿心河卽中心河。爲薛肇方三浜之緯。南接薛家浜。北接方浜。中貫肇嘉浜。城北有西洋涇浜。則在方浜之北也。

第十六課

閔行

上海鄉土志

七

閔行爲本邑首鎮。地當水陸之衝。戶口殷闐。商業繁盛。距縣城約六十餘里。地產棉花。多於秔稻。風俗素稱樸實。近亦漸趨浮靡。有小輪往來滬江。交通頗便。鎮之西北有北橋鎮。鐘樓在焉。其西爲馬橋鎮。而其北爲顯橋鎮。云。

第十七課

江橋

西鄉江橋地方。爲上海嘉定水陸交通要道。市面雖不甚旺。而環鎮村落。實視此爲中心點。乃自鐵路開行以來。繞越鎮東。要道變爲僻徑。頓失過客買賣之利。反來

游匪潛匿之虞。且教堂雜處。時有交涉。非設法聯絡衆情。何以謀公益乎。丙午之夏。該鎮紳士。仿總工程局之例。設立地方公會。選舉職員。組織自治團體。所以開通風氣。保衛地方也。

第十八課

徐家滙

徐家滙在縣之西鄉。徐文定公之墓在焉。其裔聚居於此。因之得名。其間學堂頗多。規模最大者。爲商部實業學堂。卽南洋公學所改設。此官辦者也。他若震旦學院。徐滙公學。爲教會所設立。又有李文忠公專祠。銅像巍巍。猶有生氣。亦一鉅觀也。其地居民頗衆。可稱西鄉一大市云。

第十九課

龍華

龍華在城西南隅。以龍華古刹得名。爲吾邑著名之勝地。由西門經斜橋。過高昌廟。江境廟。而至於龍華。高塔聳然。佛殿莊嚴。其地有無煙藥廠。爲製造局所分設者。每逢二三月間。紅桃綠柳。風景最佳。士女踏青。車馬絡繹。其時名曰香信。足見吾邑迷信之甚云。

第二十課

湧泉

湧泉在靜安寺前。晝夜沸騰。俗稱海眼。其上向有井亭。後井湮於港。而泉仍不涸。乃重甃石築亭。稱應天湧泉。昔人有詩云。初疑蟹眼沸。復似冰花零。蓋言其狀也。今亭雖廢。而泉沸如故。周圍以石欄護之。中外之好古者。皆以此爲古蹟。而爭往觀之。亦吾邑勝境之一也。

第二十一課

遺蹟

記遺蹟者。所以興懷舊之念。發思古之情也。本邑之遺蹟。如五老峰。在豫園後門。龍華塔。相傳爲吳主權所建。鳴鶴橋。卽今北橋。相傳爲陸機放鶴處。瓶山。在北橋鎮。上海鄉土志

相傳爲韓世忠犒軍處。或作袁山松。於此得瓶。以爲古玩。此可考者也。至若趙文敏手篆露香池三字之石。袁山松備孫恩而築滬瀆壘。今已無存矣。

第二十二課

露香園 吾園

露香園在北城。爲顧氏之名園。向產水蜜桃。今則佳種不傳。遺址已無。徒存想像而已。至於李氏之吾園。在西門內。同治間。巡道應公寶時。改爲龍門書院。今又改爲龍門師範學校。規模宏壯。頗合校舍之用。而其幽勝之處。今已迥異昔日矣。